

ADDENDA

Sub Wilhelmo Lindano primo Ruræmundensium Episcopo antè
 pacificam Episcopatus possessionem.

Epistola Joachimi Hopperi ad Viglium ab Aytta Zuichemum.

Inseratur ad
 annum
 1563.

„ Allatæ sunt abhinc ferè biduum
 „ litteræ Domini de Meghem cum
 „ actis Cancellarii Geldriæ apud Ru-
 „ ræmundam, quorum summa hæc
 „ est : auditâ per Magistratum Op-
 „ pidi relatione instituti regii de
 „ novo Episcopo illic constituendo :
 „ deliberatione factâ mox respondit,
 „ se inconsultis Præpositis artificum
 „ nihil audere statuere, verùm iis
 „ auditis continuò certi aliquid res-
 „ ponsi daturum. His auditis, co-
 „ natus quidem est Cancellarius im-
 „ pedire, quominus ad eos eâ de re
 „ referretur, sed frustrâ : itaque sta-
 „ tim indictus est conventus. Quo
 „ quidem paucis habito, revocatus
 „ est Cancellarius in Curiam, ubi
 „ pleno confesso ex communi con-
 „ sensu responsum illi est ; quo-
 „ niam res magna est, de quâ agi-
 „ tur, et pertiñens ad sœdus ven-
 „ loense, senatum populumque ru-
 „ ræmundensem nihil velle consti-
 „ tuere, nisi re cum Ordinibus to-
 „ tius Geldriæ deliberatâ. At verùm
 „ Cancellarius multa respondit, co-
 „ natus omnibus nisibus populo per-
 „ suadere, ut oblatam conditionem
 „ tam gloriosam ac magnificam ac-
 „ ceptaret ; sed nihil profecit : adeò
 „ ut interroganti ipsi, quid causæ

„ esset quod eos moveret, nihil am-
 „ plius post multam deliberationem
 „ responsum sit, quam itâ videri ;
 „ quo factò discessit è Curia. Paulò
 „ post venit ad illum domum invo-
 „ catus Decanus Capituli dicens,
 „ sibi ac suis factum senatûs & po-
 „ puli mirificè displicere : putare au-
 „ tem malum ortum ab nonnullis
 „ Præpositis opificum & paucis ali-
 „ quot decurionibus, qui dubiæ Fidei
 „ & Religionis sunt ; majorem tamen
 „ partem plebis sanam esse, & favere
 „ instituto regio. Non dissimilia pos-
 „ teâ narravit Pastor, qui & ipse
 „ Cancellarium ultrò adiit, addens
 „ malum indies crescere, idque se
 „ sentire ex numero Communican-
 „ tium, qui quotannis decrescit.
 „ Hic nunc quæritur, quid porrò
 „ agendum sit, nam id expectat Co-
 „ mes à Meghem, seque ad omnia
 „ paratum scribit. Illustrissima Du-
 „ cissa censuit exempla actorum ad
 „ Amplitudinem vestram simulque
 „ ad Reverendissimum Dominum
 „ Cardinalem mittenda, & utriusque
 „ vestrûm sententiam per litteras
 „ exquirendam. Ego proposui, ec-
 „ quid conveniret Comitem à Me-
 „ ghem ire Ruræmundam, eoque ibi
 „ presente Episcopum quodam ves-
 „ pere, infcio populo, Oppidum in-

„ gredi, & postridiè manè in Eccle-
 „ siam è domo Decani vel alterius,
 „ ità uti oportet, publicè & cum
 „ Cæremoniâ ecclesiasticâ tantùm in-
 „ troduci; quod ut ad Amplitudinem
 „ vestram perscriberem Ducissa man-
 „ davit: quod non volui omittere,
 „ cætera prudentiæ vestræ relinquens.
 „ Bruxellæ 12. Aprilis 1563. *Est epist.*
 „ numero XXXIII. pag. 46 et 47.

*Epistola ejusdem Hopperi ad eundem
 Viglium.*

Insera-
 tur ad
 annum
 1563.

„ De negotio ruræmundensi per-
 „ placet sux Celsitudini consilium
 „ Amplitudinis vestræ; sed quoniam
 „ illustrissimus Dominus Cardinalis
 „ nondum respondit, censuit illius
 „ litteras adhuc expectandas. Mihi
 „ idem quod Vobis videtur, diur-
 „ nam istam moram plurimum no-
 „ bis adferre detrimenti, malevolo-
 „ rum consilia firmare. Accedit etiam,
 „ quantum mihi quidem videtur,
 „ quod haud suam an expediat vo-
 „ luntatem subditorum hâc in re ex-
 „ quirere, qui, parvâ occasione datâ,
 „ continuò multum auctoritatis sibi
 „ arrogant; an verò satius esset tam-
 „ quam re confectâ ad eos mittere,
 „ nec aliud agere quam hortari, ut
 „ voluntati suæ Majestatis se accom-
 „ modent, & Episcopum suum lu-
 „ bentibus animis suscipiant, quem-
 „ admodum Buscoducis fiebat. Ac
 „ quoniam quidem Dominus Aren-
 „ bergensis nunc hic est, dedit ne-
 „ gotium sua Celsitudo, ut super eâ
 „ re ad vos scriberem, quænam sci-

„ licet formula instructionis illi dan-
 „ da videatur, eane, quâ apud Ru-
 „ ramundam usi sumus, an verò illa
 „ Buscoducensi, quâ, presente pro-
 „ portis Episcopo, res agebatur. Non
 „ video quominus Leovardiæ ità
 „ facere liceret: sed de Groningen-
 „ sibus & Daventriensibus sanè valdè
 „ dubito. Utrumque & commoda
 „ sua habet & incommoda. Bruxellæ.
 „ 15. Aprilis 1563. *Est epist. numero*
 „ XXXV. pag. 49.

„ Scribit Ballivus Tholnensis, Epif-
 „ copum Middelburgensem possessio-
 „ nem Tholnis accepisse, ibique Rem
 „ divinam septimâ hujus Mensis
 „ magnâ Cæremoniâ celebrasse: tan-
 „ tumdem Lindano nostro, qui ad-
 „ huc hic est, optarem; qui, cum
 „ non habeat quod agat in suo Epif-
 „ copatu, hic librariorum exagitat, non
 „ injuriâ quidem, nam crescit, quan-
 „ tum video, nimium eorum audacia,
 „ sed non fatis, ut puto, prudenter
 „ propter invidiam, non hic modò, sed
 „ & apud suos: itaque admonui, ut
 „ rixas cum librariis, quas intelligo
 „ nonnullas intercessisse, missas fa-
 „ ciat; si quid verò non rectè vi-
 „ deat fieri, ejus Curiam faciat cer-
 „ tiorem, ut per eam remedium,
 „ quod oportet, adhibeatur. Antver-
 „ piæ. 16. Maji 1563. *Est epist. XLI.*
 „ pag. 57.